
(aggiornau a su 27 de freaxu de su 2013)

FAQ – UFÌTZIU FINANTZIÀRIU – UFÌTZIU TRIBUTUS

1 – E cali est sa manera de podi incassai una summa chi su Comunu depit?

Totu is summas chi su Comunu depit – prus bàscias de € 1.000,00 (milli) – si podint incassai de persona in calisiat isportellu de su Banco di Sardegna, chi fait su serbìtziu de Tesoreri Comunali: bastat a andai cun unu documentu de identidadi, e, mellus, cun s’avisu de emissioni de su mandau de pagamentu chi su Comunu at mandau.

Chi non fait a ddui andai de persona a s’isportellu bancàriu, o sinuncas sa summa chi est de incassai est paris o prus manna de € 1.000,00, si podit disponi de acrèditai sa summa in su contu currenti postali o bancàriu suu, cumpilendi e intregendi a s’Ufitziu comunali arrechesta apostata, a disponimentu in custu situ in sa setzioni *Accesso ai servizi/Ufficio di ragioneria/Modulistica*.

2 – E sa summa chi depit su Comunu, un’àtera persona dda podit incassai?

Isceti po incassai “*benefitzius econòmicus*” prus bàscius de € 1.000,00 si podit intregai arrechesta apostata, cunforma a s’art.21 de su DPR.445/2000, cun firma chi dd’autenticat su dipendenti comunali incarrigau a arriciri totu is documentus o àteru dipendenti incarrigau de su Sìndigu, pedendindi de ndi fai incassai a àtera persona fidada is benefitzius econòmicus in deretura a s’isportellu de su Tesoreri.

Su mòdulu de arrechesta est a disponimentu in custu situ in sa setzioni *Accesso ai servizi/Ufficio di ragioneria/Modulistica*.